



Broj: 16-12-16-2386-18/17
I. Sarajevo, 04.07 2017. godine

Na osnovu člana 8. stav (2) tačka h) Zakona o Državnoj agenciji za istrage i zaštitu („Službeni glasnik BiH“, br. 27/04, 63/04, 35/05, 49/09 i 40/12), člana 26. i člana 70. st. (1), (2), (3) i (6) Zakona o javnim nabavkama („Službeni glasnik BiH“, broj 39/14), na preporuku Komisije II za provođenje postupka nabavke za potrebe Državne agencije za istrage i zaštitu u 2017. godini broj 16-12-16-2386/17 od 23.06.2017. godine, u ograničenom postupku javne nabavke policijske opreme za potrebe Jedinice za specijalnu podršku, Državne agencije za istrage i zaštitu, direktor Državne agencije za istrage i zaštitu, d o n o s i

ODLUKU

o izboru najpovoljnijeg ponuđača u ograničenom postupku za dostavljanje ponuda za javnu nabavku policijske opreme za potrebe Jedinice za specijalnu podršku
Državne agencije za istrage i zaštitu

Član 1.

U ograničenom postupku za dostavljanje ponuda za javnu nabavku policijske opreme za potrebe Jedinice za specijalnu podršku, Državne agencije za istrage i zaštitu, za koji je obavještenje o javnoj nabavci broj 1161-2-1-219-3-23/17 od 06.04.2017. godine, objavljeno na Portalu javnih nabavki i u Službenom glasniku BiH broj 27/17, ugovor se dodjeljuje ponuđaču “KM TRADE” d.o.o. Visoko i to za:

- LOT 1- nabavka 40 komada automatskih pušaka kalibra 9 mm, ponuda broj 16-1216-2386-17/17 od 08.06.2017. godine, za ponudenu cijenu od 179.200,00 KM bez uračunatog PDV-a;

- LOT 2- nabavka 20 komada pištolja kalibra 9 x 19 mm sa futrolama, ponuda broj 16-1216-2386-17/17 od 08.06.2017. godine, za ponudenu cijenu od 25.000,00 KM bez uračunatog PDV-a.

Član 2.

Ponuđač iz člana 1. ove odluke obavezan je ugovornom organu u roku od pet dana od dana prijema ove odluke dostaviti dokaz o ispunjavanju uslova iz člana 45. Zakona o javnim nabavkama i člana 9. Pravilnika o postupku dodjele ugovora u oblasti odbrane i bezbjednosti (original ili ovjerena kopija).

Član 3.

Ova odluka se ponuđačima dostavlja u roku od tri dana, a najkasnije u roku od pet dana od dana donošenja Odluke, uz istovremeno objavljivanje na internet stranici Državne agencije za istrage i zaštitu.

Član 4.

Za realizaciju ove odluke zadužuje se Sektor za materijalno-finansijske poslove Državne agencije za istrage i zaštitu.

Član 5.

Ova odluka stupa na snagu danom donošenja.

O b r a z l o ž e n j e

Odlukom direktora Državne agencije za istrage i zaštitu (u daljem tekstu: Agencija) broj 16-12-16-2386-1/17 od 27.03.2017. godine, a na osnovu saglasnosti ministra Ministarstva sigurnosti Bosne i Hercegovine broj 04-16-4-6685-3/16 od 30.09.2016. godine (saglasnost za LOT 1) i saglasnost broj 04-16-4-2319-1/17 od 15.03.2017. godine (saglasnost za LOT 2), pokrenut je postupak javne nabavke policijske opreme za potrebe Jedinice za specijalnu podršku Agencije, procijenjene vrijednosti 205.100,00 KM bez uračunatog PDV-a, za šta su novčana sredstva obezbijedena u okviru budžetskih sredstava za 2017. godinu.

Prema Tenderskoj dokumentaciji odabir ponuđača za javnu nabavku policijske opreme putem ograničenog postupka provodi se u dvije faze i to:

- Faza I - pretkvalifikacija i provjera kvalifikacije kandidata;
- Faza II - dostavljanje ponuda kvalifikovanih kandidata.

U Fazi I - pretkvalifikacija i provjera kvalifikacije kandidata Zahtjev za učešće u postupku javne nabavke policijske opreme dostavili su sljedeći kandidati:

Redni broj	Naziv ponuđača
1.	“ATEX“ d.o.o. Sarajevo
2.	“KOTEKS” d.o.o. Tešanj
3	“SHOT” d.o.o. Zenica
4.	“KM TRADE” d.o.o. Visoko

Nakon provedene Faze I - pretkvalifikacija i provjera kvalifikacije kandidata, Agencija je na prijedlog Komisije II za provođenje postupka nabavke (u daljem tekstu: Komisija) donijela Odluku o rezultatima pretkvalifikacije u postupku javne nabavke policijske opreme za potrebe Jedinice za specijalnu podršku Agencije broj 16-12-16-2386-9/17 od 05.05.2017. godine, prema kojoj su kvalifikovani kandidati “ATEX“ d.o.o. Sarajevo (za LOT 2), “KOTEKS” d.o.o. Tešanj (za LOT 2), “SHOT” d.o.o. Zenica (za LOT 1 i LOT 2) i “KM TRADE” d.o.o. Visoko (za LOT 1 i LOT 2).

Agencija je kvalifikovanim ponuđačima dostavila Poziv za učešće u ograničenom postupku javne nabavke policijske opreme, prema kome je postupak javne nabavke podijeljen na lotove i to:

- LOT 1- nabavka 40 komada automatskih pušaka kalibra 9 mm, procijenjene vrijednosti 179.500,00 KM bez uračunatog PDV-a;
- LOT 2- nabavka 20 komada pištolja 9 x 19 mm sa futrolama, procijenjene vrijednosti 25.600,00 KM bez uračunatog PDV-a.

Obzirom da je tačkom 22. Tenderske dokumentacije navedeno da je rok za dostavljanje ponuda 08.06.2017. godine do 12,00 sati, Komisija je dana 09.06.2017. godine u 10,30 sati izvršila otvaranje ponuda, gdje je utvrđeno da su blagovremeno dostavljene dvije ponude, kako slijedi:

Redni broj	Naziv ponuđača	LOT	Vrijednost ponude (bez PDV-a)
1.	“SHOT” d.o.o. Zenica	LOT 1	240.000,00 KM
		LOT 2	33.000,00 KM
2.	“KM TRADE” d.o.o. Visoko	LOT 1	179.200,00 KM
		LOT 2	25.000,00 KM

Komisija je aktom broj 16-12-16-2386/17 od 12.06.2017. godine od Jedinice za specijalnu podršku tražila stručno mišljenje u pogledu ocjene tehničkih uslova postavljenih u drugoj fazi ograničenog postupka javne nabavke policijske opreme za potrebe Jedinice za specijalnu podršku, Agencije. Jedinica za specijalnu podršku aktom broj 16-12-16-2386/17 od 13.06.2017. godine dostavila je Komisiji stručno mišljenje da ponude ponuđača "KM TRADE" d.o.o. Visoko i "SHOT" d.o.o. Zenica zadovoljavaju tražene tehničke karakteristike iz Tenderske dokumentacije.

Komisija je utvrdila da ponuda ponuđača "SHOT" d.o.o. Zenica premašuje procijenjenu vrijednost javne nabavke iz tačke I Odluke, obzirom da je ponuđač "SHOT" d.o.o. Zenica za LOT 1 dostavio ponudu u vrijednosti od 240.000,00 KM (procijenjena vrijednost javne nabavke za LOT 1 iznosi 179.500,00 KM bez uračunatog PDV-a), dok je za LOT 2 dostavio ponudu u vrijednosti od 33.000,00 KM (procijenjena vrijednost javne nabavke za LOT 2 iznosi 25.600,00 KM bez uračunatog PDV-a).

Cijeneći naprijed navedeno, uvažavajući stručno mišljenja Jedinice za specijalnu podršku, Komisija je ocijenila da je ponuda ponuđača "KM TRADE" d.o.o. Zenica najpovoljnija ponuda za LOT 1 i LOT 2, da ista ne uživa preferencijalni tretman domaćeg i da ne premašuje ukupnu vrijednost nabavke iz tačke I odluke.

Shodno navedenom, prihvaćen je prijedlog Komisije i odlučeno je kao u članu 1. ove odluke.

Pouka o pravnom lijeku: Protiv ove odluke može se izjaviti žalba Uredu za razmatranje žalbi Bosne i Hercegovine, u roku od deset dana od dana dostavljanja iste. Žalba se podnosi putem Državne agencije za istrage i zaštitu.

Na izjavljenu žalbu ponuđač je obavezan platiti naknadu u skladu sa članom 108. Zakona o javnim nabavkama i podzakonskim aktima.

DOSTAVLJENO:

- Ponuđačima 2x,
- Sektoru za mat.-fin. poslove,
- a/a.

